

# ՆՈՐՈԳՈՒԹԻՒՆՆԵՐ ԵՐՈՒՍԱՂԵՄԻ ՍՐԲՈՑ ՅԱԿՈԲԵԱՆՑ ՏԱՃԱՐԻ

Posted on February 13, 2016 by Keghart

**keghart.com**

Category: [Opinions](#)



✘ Հարցազրույցը վարեց՝ **Դոկտ. Մինաս Գոճայեան**, 8 Փետրուար 2016

2014-ի տարուայ կետերուն, հրամանաւ Ամենապատիւ Պատրիարք Տ. Նուրհան Արք.

✘ Մանուկեանի, Սրբոց Յակոբեանց Տաճարէն ներս թէ դուրս սկսան կատարուիլ լուրջ նորոգութիւններ, որոնց անհրաժեշտութիւնը կը զգացուէր վաղուց: Այժմ կը գտնուի նորոգութիւններու աւարտական փուլին մէջ: Այս առթիւ և այլ կալուածային հարցերու վերաբերեալ ունեցանք հետեւեալ հարցազրույցը Սրբոց Յակոբեանց Միաբանութեան Կալուածոց Տեսուչ Տ. Պարետ Ծ. Վրդ. Երեցեանի հետ՝ լուսաբանելու համար համայն հայութիւնը:

Տ. Պարետ Ծ. Վրդ. Երեցեան Սաղիմահայ Է և երկար տարիներ սպասարկած Է ԱՄՆ-ի Հայաստանեայց Առաքելական Եկեղեցւոյ Արեւելեան և Արեւմտեան Թեմերէն ներս:

✘ Հարցազրույցը վարեց՝ **Դոկտ. Մինաս Գոճայեան**, 8 Փետրուար 2016

2014-ի տարուայ կետերուն, հրամանաւ Ամենապատիւ Պատրիարք Տ. Նուրհան Արք.

✘ Մանուկեանի, Սրբոց Յակոբեանց Տաճարէն ներս թէ դուրս սկսան կատարուիլ լուրջ նորոգութիւններ, որոնց անհրաժեշտութիւնը կը զգացուէր վաղուց: Այժմ կը գտնուի նորոգութիւններու աւարտական փուլին մէջ: Այս առթիւ և այլ կալուածային հարցերու վերաբերեալ ունեցանք հետեւեալ հարցազրույցը Սրբոց Յակոբեանց Միաբանութեան Կալուածոց Տեսուչ Տ. Պարետ Ծ. Վրդ. Երեցեանի հետ՝ լուսաբանելու համար համայն հայութիւնը:

Տ. Պարետ Ծ. Վրդ. Երեցեան Սաղիմահայ Է և երկար տարիներ սպասարկած Է ԱՄՆ-ի Հայաստանեայց Առաքելական Եկեղեցւոյ Արեւելեան և Արեւմտեան Թեմերէն ներս:

**Հարցում.- Ե՞րբ ստանձնեցիք Կալուածոց Տեսուչի պարտականութիւնը, ի՞նչ Է առաքելութիւնը Ձեր ղեկավարած բաժնին:**

**Տ. Պարետ Ծ. Վրդ.-** Պարտականութիւնս ստանձնեցի 2014 թուականի Յունիս 1-ին: Ինձմէ առաջ այս բաժնի պատասխանատուն էր Տ. Բագրատ Վրդ. Պուրճեքեան: Մեր պարտականութիւնն Է հսկել և հետեւիլ Սրբոց Յակոբեանց Միաբանութեան պատկանող կալուածներու վրայ, ինչպէս վարձու տրուած յարկաբաժիներ, բնակարաններ, խանութներ, և զբաղիլ անհրաժեշտ նորոգութիւններով: Կալուածներ ունինք Երուսաղէմէն զատ Եաֆֆա, Ռամլէ, Բեթղեհէմ, Երիքով, Թել Ավիվ և այլուր: Այս կալուածներէն Միաբանութիւնը կը ստանայ եկամուտներ և ասոնցմով կը հոգանք մեր բազմաձախս կարիքները: Ուրեմն հարկաւոր Է բժախնդիր կերպով հետեւիլ, որպէսզի օրինաւոր ու սահուն կերպով ընթանան մեր կալուածային գործառնութիւնները:

**Հարցում.- Կրնայի՞ք մանրամասնել և աւելի որոշակի տուեալներ տալ այս առնչութեամբ:**

**Տ. Պ. Վրդ.-** Երուսաղէմի և այլ սրբատեղեաց մէջ մեր Միաբանութիւնը հայութեան պատիւ բերող և հպարտութիւն պարգեւող ներկայութիւն մըն Է դարերէ ի վեր: Վանքին շրջափակէն ներս և դուրսը՝

Հայոց թաղերուն մէջ ապրող մեր հայրենակիցները ունին շարք մը առաւելութիւններ, ինչպէս օրինակ շատ քիչ կամ չեն խորհրդանշական վարձ մը կը գանձուի իրենցմէ, բաղադրամամբ շուկայի գիներուն:

Բնակարանային հարցով մեր ժողովուրդը կը վայելէ բարենպաստ պայմաններ: Օրինակ, մինչ բնակարան մը դուրսը կ'արժէ 1000 տուլար, իրենք մեր մօտ կը վճարեն 1000 կամ 200 կամ ալ 100 տուլար տարեկան և աւելի նուազ: Ասով հանդերց կը թերանան իրենց պարտականութեան մէջ Վանքին հանդէպ: Հոս պետք է ըսել որ Պատրիարքը բաւական թիւով մեր վարձակալներուն, որոնց յետնեալ պարտքերը 100,000 տուլարի կը հասնին, ներում շնորհեց, ասով հանդերց տակաւին շատերը կը փորձեն խուսափիլ և չվճարել իրենց վարձքերը: Ճիշտ հոս է որ Վարքը ստիպուած կ'ըլլայ դիմել փաստաբաններու՝ բազմաթիւ անգամներ իրենց աղաչելի ետք:

Մեր գաղութին միակ վարժարանը՝ Սրբոց Թարգմանչացը կը գտնուի Վանքին շրջափակէն ներս, նմանապէս և ակումբները, ֆութպոլի դաշտը, Կիւլպէնկեան Մատենադարանը, դարմանատունը, այլ խօսքով Հայոց Վանքը եղած է բոլորին տունը, ուստի և կ'ակնկալենք որ մեր բնակիչները հետեւին կարգ ու կանոնին և կանոնաւոր կերպով կատարեն ու չձգձգեն իրենց վճարումները, որովհետեւ մենք բազմաձախս եկեղեցական հաստատութիւն մը ըլլալով ունինք մեր ծախսերը, զորս պետք է կատարենք ժամացոյցի ճշգրտութեամբ: Կը ցաւիմ ըսելու թէ մեր բնակիչներէն ոմանք ոչ միայն ժամանակին չեն կատարեր իրենց վճարումները այլ երբեմն ալ խոչընդոտներ կը յառուցեն չվճարելու համար ...

**Հարցում.- Եթէ գաղտնիք մը չէ, որքա՞ն է ձեր ծախսը:**

**Տ. Պ. Վրդ.**- Նախ ըսեմ թէ Վանքը տարեկան նուազագոյնը մէկուկէս միլիոն տուլարի օգտակարութիւն կ'ունենայ այս գաղութին, որոնց մէջ կը մտնեն դպրոցական, առողջապահական, նորոգութեանց և այլ ծախսեր: Կեանքի սղութեան յարաճուն վերելքի պատճառով տարուէ տարի կ'աւելնան նաեւ  մեր ծախսերը, հետեւաբար գանձուած վարձքերը չեն կրնար յաւիտենապէս նոյն հորիզոնականին վրայ մնալ: Յիշեցնեմ որ «Ժառանգաւորաց» վարժարանը բաւական ծախսալից կրթական հիմնարկ մըն է, ուր կ'ուսանին աւելի քան երեսուն ժառանգաւորներ, որոնցմէ կը յուսանք հասցնել Հայաստանեայց Եկեղեցւոյ մեր ապագայ հոգեւոր սպասաւորները: Անոնք հոս կ'ուսանին, կը սնուին, ունին կենցաղային ծախսեր, կը ստանան թոշակ եւ այլն:

Մեր Թարգմանչաց վարժարանի ծախսերը նոյնպէս քիչ չեն, թէեւ ծնողներէն կը գանձուի որոշ կրթաթոշակ:

Մեր վանքապատկան շէնքերուն, կալուածներուն և եկեղեցական կառոյցները նոյնպէս քիչ ծախսի չեն նայիր, կը նորոգենք ու նորոգած ենք Երուսաղէմի Սրբոց Յակոբեանց, Բեթղեհեմի, Եաֆֆայի (Ս. Նիկողայոս) սրբավայրերը:

Կը ցաւիմ ըսելու թէ ի դէմս այս բոլորին մեր ազգայիններէն, աւելի ճիշդ՝ «հարուստներէն» կամ ինքնաբաւ գաղութներէն ու ազգային բարերարներէն շատ քիչեր կ'ընեն նուիրատուութիւններ: Մենք մեր թիկունքին չունինք Վատիկանի և կամ Օրթոտոքս եկեղեցւոյ նման հզօր ու հարուստ



բեռ:

